

has die  
Heiden  
nicht alle  
vertreibē  
kñnnen ꝛc

**V**nd Juda zoch hin mit seinem bruder Simeon / vnd schlugen die Cananiter zu Sephath / vnd verbanneten sie / vnd nenneten die stad Harma. Dazu gewan Juda Gaza mit irer zugehör / vnd Asklon mit irer zugehör / vnd Ekron mit irer zugehör. Vnd der **HERR** war mit Juda / das er das Gebirge einnam / Denn er kund die Einwoner im grunde nicht einnemen / darumb / das sie eisern Wagen hatten. Vnd sie gaben dem Caleb Hebron / wie Mose gesagt hatte / Vnd er vertreib draus die drey Sone des Enak.

Josu. 15.

Aber die kinder Ben Jamin vertrieben die Jebusiter nicht / die zu Jerusalem woneten / Sondern die Jebusiter woneten bey den kindern Ben Jamin zu Jerusalem bis auff diesen tag.

**S**elben gleichen zogen auch die kinder Josephs hinauff gen Bethel / vnd der **HERR** war mit ien. Vnd das haus Joseph verkundschaften ten Bethel (die vorhin Lus hies) Vnd die Wechter sahen einen Man aus der Stad gehen / vnd sprachen zu jm / Weise vns / wo wir in die Stad kommen / so wollen wir barmherzigkeit an dir thun. Vnd da er ien zeigt wo sie in die Stad kemen / schlugen sie die Stad mit der scherffe des schwerts / Aber den Man vnd alle sein Geschlecht lieffen sie gehen. Da zoch der selb Man ins land der Hethiter / vnd bauete eine Stad / vnd hies sie Lus / die heisst noch heutestages also.

Lus.

**V**nd Manasse vertreib nicht Beth Sean mit ien töchtern / noch Thaanach mit ien töchtern / noch die Einwoner zu Dor mit ien töchtern / noch die einwoner zu Jebleam mit ien töchtern / noch die Einwoner zu Megiddo mit ien töchtern / Vnd die Cananiter fiengen an zu wonen in dem selben Lande. Da aber Israel mechtig ward / macht er die Cananiter zinsbar / vnd vertreib sie nicht.

**D**es gleichen vertreib auch Ephraim die Cananiter nicht / die zu Gaser woneten / Sondern die Cananiter woneten vnter ien zu Gaser.

**S**ebulon vertreib auch nicht die einwoner zu Kitron vnd Nahalol / Sondern die Cananiter woneten vnter ien / vnd waren zinsbar.

**A**sser vertreib die einwoner zu Afo nicht / noch die einwoner zu Sidon / zu Abelab / zu Achsib / zu Helba / zu Aphik vnd zu Rehob / Sondern die Asseriter woneten vnter den Cananitern / die im Land woneten / denn sie vertrieben sie nicht.

**A**phthali vertreib die einwoner nicht zu Beth Semes / noch zu Beth Anath / Sondern wonet vnter den Cananitern / die im Lande woneten / Aber die zu Beth Semes vnd zu Beth Anath wurden zinsbar.

**V**nd die Amoriter drungen die kinder Dan auff's gebirge / vnd lieffen nicht zu / das sie erunter in den grund kemen / Vnd die Amoriter fiengen an zu wonen auff dem gebirge Heres / zu Aialon vnd zu Saalvim. Doch ward ien die hand des hauses Joseph zu schwer / vnd wurden zinsbar. Vnd die grenze der Amoriter war / da man gen Akrabbim hinauff gehet / vnd von dem fels vnd von der höhe.

## II.



**E**s kam aber der Engel des **HERRN** erauff von Gilgal gen (Enael) Bochim / vnd sprach / Ich hab euch aus Egypten er auff gefurt / vnd ins Land bracht / das ich ewrn Vetern geschworen hab / vnd sprach / Ich wolt meinen Bund mit euch nicht nachlassen ewiglich / das jr nicht soltet einen Bund machen mit den Einwonern dieses Lands / vnd ire Altar zubrechen / Aber jr habt meiner stimme nicht gehorchet / Warumb habt jr das gethan ? Da sprach ich auch / Ich wil sie nicht vertreiben fur euch / das sie euch zum stricke werden / vnd ire Götter zum neze Vnd da der Engel des **HERRN** solche wort geredt hatte zu allen kindern Israel /

Der Priester pins  
has.Deut. 7.  
Num. 33.